




სახალხო გაზეტი

სუკრათიანი ჟამათი


გაზეტის № 587

ღამასტაგის № 103

კვირა, 29 აპრილი 1912 წ.



დედის ნეტარება. ქანდაკება მარმარილოსი.



ი. ი. რატილის გაკლავალების გამო.



ი. ი. რატილის ქართულ მომღერალთა გუნდის ნაწილი, რომლითაც 1895 წ. მკათათვე-მარიამობის თვეს მოიარა: დუშეთი, კაკავი, პიატიგორსკი, კისლოვოდსკი, ესენთუკი, ჟელეზნოვოდსკი, ეკატერინოდარი, ბათუმი. დგანან პირველ რიგზე ზევით: მარცხნიდან მარჯვნივ სი. ფხალაძე, ჯაფარიძე, გ. შატერაშვილი, ვლ. იმერლიშვილი, გ. ჟანგირაშვილი, ელიაძე, ნ. გოცირიძე, ჯანდიერი, ან. გოგიაშვილი. მეორე რიგზე სხედან: ცხვარაძე, პეტრიაშვილი, ი. ი. რატილი, ხეცაძე, ვ. თოფურია. მესამე რიგზე სხედან: სოფრომაძე, ა. ყაზახიშვილი.

გოდება

გ

დიადი მზე ნაზ კაბადონს
ეთხოვება... ესალმება,
ღრუბლის გროვა ცის კიდურზე
ვარდისფერად იღებება.

ტბისა სივრცეს სხვითა კრთომა
აგვირისტებს... აელვარებს,
ტბის ლერწამი ნარნარ რხევით
მიბნედილი ხუჭავს თვალებს.

სურნელებას აღმა აკმევს
ფიანდაზად შლილი ველი,
ტრფობით დაღალს უკუღუღებს
ზურმუხტ მდებლოს სიო ნელი.

მტრედის ღუღუნს ეხლართება
მჩქეფარ ტალღად სევდის მღერა,
მოკამკამე ნაკადული
ხის ჩრდილებით დაისერა.

ქალწულებრივ კდემილ ღიმილს
ბუჩქსა სწირავს ნაზი ია,
ყვავილების ნადვლით თრთოლა
ფოთოლთ შრიალს ჩაეხვია.

ტყის მღუმარ მკერდს გადაეკრა
ნისლის ზოლი გაცრეცილი,
არეს ვნებით ჩაეკონა
ჯადოსნური მწუხრის ძილი.

გ

ტბასთან კლდის პირს ობლად იჯდა
დავრდომილი ერის შვილი,
ტბისა სივრცეს გაჰყურებდა
მწარედ გულხელ-დაკრეფილი.

ოხვრა მკერდსა უტოკებდა,
კრემლს აფრქვევდა გულ-დამწვარი;
არეს სევდით აზარებდა
ობოლ სულის მწარე ზარი:

„ჩემო სამშობლოვ, ჩემო სიცოცხლევ,
რა გექმნა წარსულ დღეთა შვენება?
რად არ გინათებს მომავლის სხივი?
სად გაქვს სიმტკიცე და ძლიერება?“

ვისა სწყევლიან სასტიკის წყევით
გმირ მამა-პაპათ სამარეები?
ვისა გლოვობენ ცრემლების ფრქვევით
მთვლემარ მთაწმიდის შავი კლდეები?

რასა ბუტბუტებს მტკვარი გულმწარედ?
ნისლს რად იბურვენ ნამებათ მთები?
რად გფლობს სამარის შავი ღუმელი?
სად გაყავს მსოფიანი გმირი შვილები?

დღევანდელ შვილთ კი... ვიშ! მეც, მეც ვიცნობ!
მკვდარნია ყველა—ცოცხლადა მკვდარნი,
ოქროში სცვლიან მამა-პაპათ ძვლებს,
გულით მშიშარნი... სულით ლაჩარნი...

ჯერ ვერ ჩაჰბმიან მსოფლიოს ფერხულს,
აზრს ვერ უქმნიან—აზრის სალაროს;
არც ზიზღი ძალ-უძთ... არც სიყვარული,
ვერც გულით ჟურვენ გრძნობისა წყაროს“

ღ


აღარ ისმის სულის კვნესა,
კვლავ ობლად ზის ერის შვილი;
კვლავ ტბის სივრცეს გადაჰყურებს
მწარედ გულხელ-დაკრეფილი...

სდუმს. მღუმარედ ეწამება,
ცას შეჰყურებს გულ-დამწვარი;
არეს ნისლად ებურება
ობოლ სულის მწარე ზარი.

კიკნა—ფშაველი.




„ტიტანიკ“-ის დაღუპვის გამო.



„ტიტანიკ“-ზე მყოფი უმთავრესი ტელეგრაფის მოტელეგრაფე ფილიპსი, რომელიც ყოველ მხრივ აცნობებდა: ვიდუბებით, მოგვეშველეთო.

„ლენის“ აგების გამო.



კ. ნ. მიტინსკი, რომელიც საქმის გამოსაძიებლად ვაქრობის მინისტრმა ლენის მაღაროებში გაგზავნა.

ვიყანა გლასკო იგანიის ნოვალები

„კ ა ც ი ზ ღ ვ ა ზ ი!“

დაღამდა თუ არა, ხომალდი „სან-რაფაელი“ მარლით დატვირთული გავიდა ტორრევიეხიდან ჰიბრალტარს.

ხომალდი სავსე იყო და მარლით სავსე ტომრები ბაქან-ზედაც კი ეწყო. აქ, უმთავრეს ანძასთან მთელი მთა იყო ტომრებისა.

ხომალდის ერთი თავიდან მეორეზე გადასასვლელად კიდურზე გავლა სჭირდებოდა, და ასეთი სახიფათო მოგზაურობა იოლად ჩაუდიოდათ მხოლოდ სიმარჯვისა და გამოცდილების წყალობით.

საუცხოვო, ნათელი ზაფხულის დამე იყო; გრილი ქარი დრო გამოშვებით ჰქროდა და ხან ააბუტუტებდა უმთავრეს იალქანს ისე, რომ ანძას კრიალი გაჰქონდა,—ხან ერთბაშად ჩადგებოდა და უშველებელი იალქნის ტილო ძალა მიხდილსავით ჩამოვარდებოდა და ანძას უტრიალებდა.

ეკიპაჟი*),—ხუთი ვაჟაკი და ერთი ბიჭი,—მორჩა ყველა იმ საქმეს, რაც ზღვაში გასვლას სჭირია. ვახშად დასხდნენ. ცხელ ქვებს შემოსხდომოდნენ და ყოველი მათგანი, ძმურად, ხომალდის პატრონიდან დაწყებული უმცროს იუნგამდე**), შიგ აწებდნენ თავთავის ლუკმას.

ნავახშმევს ყველა, ვინც თავისუფალი იყო სამსახურისაგან, ჩაეშენენ ქვედა განყოფილებაში, სადაც ხმელ ლოგინებზე თითონაც უნდა მოესვენათ და ღვინით და საზამთროთი სავსე კუჭებიც დაესვენებინათ.


მესაქედ მარტო ბიძია ჩისპასი დარჩა, მოხუცებული, კბილებ ჩაცვიფრული ზღვის მგელი***), რომელმაც რაღაც

ხრტუნით მოისმინა უფროსის უკანასკნელი ბძანება, და მასთან მის მფარველობის ქვეშე მყოფი ხუანილიო, იუნგა, რომელიც პირველად მოგზაურობდა და მეტად დავალიანებული იყო მოხუცისაგან, რადგანაც მხოლოდ მისის წყალობით მოჰხვდა „სან რაფაელის“ ეკიპაჟში და ამრიგად ბოლო მოეღო მის ხანგრძლივსა და მტანჯველ სიმშინს.

საცოდავი ხომალდი მშვენიერ, საარაყო ხომალდათ ეჩვენებოდა ყმაწვილს. დღევანდელი ვახშაში შეიძლება პირველი ვახშამი ყოფილიყოს მის სიცოცხლეში.

ცხრამეტის წლისა იყო და არ იცოდა, რას ერქვა გაძღომა, ან ჩაცმა; დამეებს საბრალო დანგრეულ ქოხში ატარებდა, სადაც ტირილსა და ლოცვაში ჰღვივდა თავის დღეთ ქარებისაგან ფეხებ მოკვეთილი ბებია მისი, ხოლო დღისით

ო ს მ ა ლ მ ე თ - ი ტ ა ლ ი ი ს ო მ ი.



დარღანელის სიმარგრებიდან იტალიელებს ზარბაზნებით პასუხს აძლევენ კუმ-კალესიდან.

ეხმარებოდა ზღვაოსნებს ნავების წყალში ჩაშვებაზე, გადმოჰქონდა თევზით სავსე კალათები, ან მიეკედლებოდა ვისმე ნავში და მიდიოდა თევზის საჭერად, რომ რამდენიმე წვრილი თევზი მოეტანა სახლში. ეხლა კი მამა მისის მეგობრის ბიძია ჩიპასის წყალობით ნამდვილი ზღვაოსანი იყო და სრული უფ-

*) ეკიპაჟი—ყველა გემის ან ხომალდის მოხელე ერთად. გემის უფროსი, მისი თანაშემწენი და სხვანი—ყველანი ერთად წარმოადგენენ გემის ეკიპაჟს.
**) იუნგა—სხალგაზდა ყმაწვილი, რომელიც ზღვაში უპირატესად ეჩვევა ზღვაოსნობას.
***) ძველი, გამოცდილი ზღვაოსანი.

ლებს ჰქონდა თავისი ხელიც გაეწოდა ქვაბისაკენ. ფეხსაცმელებიც კი ეცვა, პირველი ფეხსაცმელი მის სიციცხლეში, — ხის ფეხსაცმელი, ნამდვილი ორი პატარა ნავი, რადგან მშვენიერად სტურავდა წყალში, — სიამოვნებას ჰგვირღია ყმაწვილს, ვინა სთქვა, ზღვა, საშიშიაო!.. სისულელია! მიქარვია!.. ამაზე უკეთესი სამსახური ქვეყანაზე არ არის.

ბიძია ჩისპასი ხომალდის ცხვირს თვალს არ აშორებდა და საქვს ტარს — ხელსა, სცდილობდა იალქანსა და ტომრების გროვას შუა წყვილის გაზობას, თანაც ღიმილით უსმენდა ყმაწვილის ლაპარაკს.

— მართალია, კარგი სამსახური იშოვე, მაგრამ ამაშიაც არის ცუდი მხარე. შენ თვითონ დაინახავ... როდესაც ჩემდენს იცხოვრებ... ეგ ყველა კარგი, მაგრამ შენი ადგილი რომ აქ არ არის; წადი ცხვირზე და უყურე, თუ გამოჩნდეს წინ სხვა რამე ხომალდი.

ხუანილიო გაეშურა თავის ადგილისაკენ, — კიდურზე ისე უღარდელად და გულდამამვიდებულად მიბრბოდა, თითქო ქვიშნარი ზღვის პირი ყოფილიყოს.

— ფრთხილად, ბიჭო, ფრთხილად! მაგრამ ის კიდევ მივიდა, ჩამოჯდა იქ და დააჩერდა ზღვის შავ ზედაპირს, რომლის სიღრმეშიაც უსწორ-მასწორ ზოლებად კრთოდა მოციმციმე ვარსკვლავები.

დიდ-მუცელა, მძიმე ხომალდი ყრუ ტყლაშინით ერტყმოდა ყოველ ახალ ტალღას და შხეფები ხუანილიოს სახეს სწვდებოდა. ორი ზოლი მთვარის სინაღესებურ მოციმციმე ქათვისა აქეთ-იქით ჩაურბოდა ხომალდის ცხვირს და გაბერილი იალქანი, რომლის წვერი ღამის წყვილად იკარგებოდა, თითქო აპობდა ცის კამარას.

რომელი მეფე, რომელი ზღვაოსანთ სარდალი იყო ხუანილიოზე ბედნიერი, რომელსაც ბედმა „სან რაფაელოზე“ სამსახური არგუნა? ხრრ! ეს მისი სავსე კუჭი ჰმოწმობს სრულ სიამოვნებას. რა მშვენიერი ცხოვრებაა!

— ბიძია ჩისპას!.. ერთი თუთუნი მომაწვიენე!

— მოდი, წაიღე! ხუანილიო გაეშურა კიდურით, იმ მხრით, სადაც ქარი არა სცემდა. ერთ წამს ქარი ჩადგა და იალქანი ჯერ კიდევ მოძიძიგე ის-ის იყო უნდა დაშვებულყო, ერთბაშად ერთი ძლიერად დაჰბერა, ხომალდი დაიხნიქა ერთ მხარეს, და ხუანილიო თავის შესაკავებლად იალქნის ბოლოს მოებდაუქა; მაგრამ სწორედ ამ დროს იალქანი ისევ გაიბერა ძალზე, გაიტაცა გემი და ისეთი ძალით ისროლა საწყალი ყმაწვილი, რომ ნასროლ ქვასავით გადაავლო წყალში.

ტალღათა ხმაურობაში ხუანილიოს, რომელსაც ზღვის მარილიანის წყალით ერთბაშად აევსო პირი, რალაც ყვირილი, შორი და გაურკვეველი სიტყვები მოესმა, — იქნება მესაქე ჰყვიროდა: „არიქა, ცაცი ზღვაში“!

მოულოდნელად ტალღებისაგან გაბრუებული ხუანილიო ღრმად, ღრმად ჩაიძირა წყალში, მაგრამ ვიდრე მიხვდა რაც მოხდა, ისევ ზემოდ მოექცა, მოუსვა ხელი და წმინდა ჰაერს დაუწყა ყლაპვა... ხომალდი კი? ის აღარ სჩანდა. ზღვა ბნელი იყო, უფრო ბნელი, ვიდრე ხომალდის ბანიდან სჩანდა.

ხუანილიოს მოეჩვენა, ვითომც რაღაც თეთრსა ჰხედავს, ხომალდის აჩრდილს, რომელიც შორიდან მისკენ მოსტურავს; მაგრამ ჩქარა სხვა მხარეს მოეჩვენა; ეხლა ხომალდმა თითქო მიმართულება შეიცვალა და სხვა გზით მისტურავდა; ყოველივე წარმოდგენას დაკარგული ყმაწვილი ძალზე მისტურავდა და თითონაც კი არ იცოდა, საით.

ფეხსაცმელები ტყვიასავით მძიმე იყო. წყეულები. აი როგორი გამოდგა მათი პირველი სამსახური. ქუდი თავზე უქერდა, შარვალი ეჩაჩებოდა, თითქო ზღვის ძირსა სწვდებოდა და იქ მცენარეთ ედებოდა.

— მარჯვედ, ხუანილიო, მარჯვედ! — მოგლიჯა ქუდი და გული სწყდებოდა, რომ ფეხსაცმელების გაძრობაც არ შეეძლო.

თავისი თავის იმედი ჰქონდა. მშვენიერად სტურავს; ორს საათს ეყოფა ძალა. ამ ხნის განმავლობაში ხომალდის ეკიპაჟი მოასწრებს დაბრუნებას და მის გადარჩენას. საქმე იმით გათავდება, რომ ცოტა გადამეტებული ბანაობა დასტირდება და მეტი არაფერი... მერე განა ასე კვდება ადამიანი? დიდ ღელვაში დაღუპვა, როგორც დაიღუპნენ მისი პაპა და მამა, ეგ კარგია, ასეთ მშვენიერ ღამეს კი და ასეთ წყნარ ზღვაში დაღუპვა მხოლოდ იმიტომ, რომ იალქანი აფრიალდა — ეგ ხომ რაღაც სამარცხვინო სიკვდილია.

და ყმაწვილი მისტურავდა და მისტურავდა; ჯერ კიდევ ეღანდებოდა ხან აქ და ხან იქ გაურკვეველი სახე ხომალდისა

და იმედს არ ჰკარგავდა, აგერ-აგერ გამოჩნდება წყვილიდან „სენ-რაფაელი“, რომელიც მას ეძებს.

ეი, ხომალდო! ბიძია ჩისპას!.. პატრონო!

მაგრამ ყვირილი მხოლოდ დაღავდა და ორჯელ-სამჯერ ტალღები პირში მოხვდა. წყეულები!.. ხომალდზე რომ იყო, უმნიშვნელონი ეჩვენებოდნენ, ეხლა კი, როდესაც ყელამდის წყალშია და იძულებულია გაუჩერებლივ ხელები იქნინოს, რომ არ ჩაიძიროს, ეს ვითომ უმნიშვნელო ტალღები აღჩობენ, სცემენ, ყრუდ ერტყმევიან მის ტანს, ხან ბიბილოზე მოიქცევენ, ხან უფსკრულში ავდებენ, და თითქო ჩაყლაპვას უბირებდნენ, ერთმანეთს უერთდებიან.

ჯერ კიდევ სჯეროდა, თუმცა ისე მტკიცედ აღარა, რომ ორ საათს შეეძლო გაძლებოდა. მართალია, ორი საათიც და მეტიც უცურავნია დაუღალავად იქ, მშობელ მხარის ზღვას პირას. მაგრამ მზიან დღეს და სარკესავით წყნარ ზღვაში, როდესაც ქვემოდ, კრიალა საუცხოვო სიღრმეში მოსჩანდა ყვითელი ქვები, მცენარეებით შემოვლებული, როგორც მარჯანით, ვარდის-ფერი სადაფი, ზღვის ვარსკვლავები; მოსჩანდნენ ბრწყინვალე ზღვის ყვავილები, რომელნიც ნახად ირხეოდნენ თევზების ვერცხლის ფერ მუცლის შეხებაზე, — ეხლა კი კუბრივით შავ ზღვა შუაა, წყვილად დაკარგული, შემოპილი თავის ტანისამოსით, და ვინ იცის რამდენი დამსხვრეული და დაღუპული ხომალდია მის ფეხ ქვეშ, რამდენი გვამი გაუმაძღარ თევზებისაგან შემოქმული.

ხუანილიოს ჟრუანტელი უვლიდა სველ შარვლის ყოველ შეხებაზე, ეჩვენებოდა — ბასრი კბილები გამიყარესო.

დალილი, ალა დაკარგული ზურგზე დაწვა და ტალღებს მიენდო. პირში შექმულ ვახშმის გემოსა გრძნობდა, წყული საკმელი!.. რა ძვირად უჯდება მისი შოვნა! აი იქნება მის გამოისობით მოელის აქ ასეთი სულელური სიკვდილი.

უცბად, ანგარიშ მიუცემლად გამოიცივალა მდგომარეობა; იქნება ეძებენ და ზურგზე მწოლარეს ვერცკი დაინახვენ. ისევ მოუსვა ხელი, მაგრამ ეხლა სასოწარკვეთილებით; ტალღა რომ აიტაცებდა, სცდილობდა რაც შეეძლო შორს გაეხედნა. ტალღები კი ისროდნენ ერთის მხრიდან მეორეზე და სულ ერთ ადგილზე კი ტრიალებდა.

მიატოვებს ოთქო უბრალო მჩვარა გადავარდნილიყოს! ღმერთო ჩემო, ადაპიანი დაივიწყონ ასე!.. მაგრამ არა, შეიძლება, სწორედ ამ წამს ეძებენ. ხომალდი ხომ ჩქარა მიდიოდა; მინამ ეკიპაჟი ბანზე ამოვიდა, მინამ იალქნების მიმართულება შესცვალეს, ხომალდი დიდ მანძილს გაივლიდა.

და ამ უკანასკნელის იმედით ნელ-ნელა იძირებოდა, თითქო მისი მძიმე ფეხსაცმელები ეწეოდნენ ქვემოდ. პირში მარილიანი სიმწარე იგრძნო; თვალები დაეხუჭა, ტალღები შეერთდნენ მის გაპარსულ თავს ზემოდ, მაგრამ გამოჩნდა მისი შეერთებული ხელები და ცოტა ხანს უკან თითონაც გაჩნდა ზემოდ. ხელები უღუნდებოდა, და თითქო ძილი მოერია, თავიც დაუშვავა. ყმაწვილს ეჩვენა, ვითომც ცაც გამოიცივალა: ვარსკვლავებს წითელი ფერი მიეცა, ზღვა აღარ აშინებდა; გაზმორება მოუნდა, მოსვენება.

გახსენდა ბებია; იქნება ისიც სწორედ ამ წამს მასზე ჰფიქრობს. და მოუნდა ლოცვის თქმა ისე, როგორც ათასჯერ ულოცნია საბრალო მოხუცს მასთან:

„მამაო ჩვენო, რომელი ხარ ცათა შინა“...

უხმოდ ლოცულობდა, მაგრამ იმავე დროს, თავის დაუნებურად, გაანძრია ენა და ჩახლჩილის ხმით, რომელიც ვილაც სხვის ხმად ეჩვენა, წარმოსთქვა:

— საძაგლები! ღორები! მიმატოვეს. ისევ ჩაიძირა და გაჰქრა, თუმც ბევრს ეცადა ზემოდ დარჩენას.

ვილაც ჩასტიდებოდა მის ფეხსაცმელებს და ქვემოდ ეხიდებოდა... შესტურა წყვილადში და გადაყლაპა წყალი. უძლური, გონება დაკარგული აღარაფერს სცდილობდა, მაგრამ ერთხელ კიდევ, თითონაც არ იცოდა როგორ, ამოსტურა.

ეხლა ვარსკვლავები შავად ეჩვენებოდა, უფრო შავად ვიდრე ცა, მელნის შავ ლაქებად. ისევ ჩაიძირა და ეხლა კი საბოლოოდ. ტანი ტყვიასავით დაეშვა ქვეით, და მინამ ვარდებოდა უფსკრულში, რომელმაც შთანთქა დამსხვრეული გემები და შექმული ჩონჩხები, მის ტვინში, რომელსაც უფრო და უფრო ეხვევოდა სქელი ნისლი, იმეორებდა.

— „მამაო ჩვენო!.. მამაო ჩვენო!.. საძაგლები, ოხრები!.. მიმატოვეს!..“

ივ. ზურაბიშვილი.

